

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 422417 22 St
Tuzla, 10.10.2022 godine

Općinski sud u Tuzli, sudija Faruk Arnaut, u stečajnom postupku nad imovinom dužnika „**OAo BH**“ d.o.o. za proizvodnju, promet i usluge Klokotnica bb Doboj-Istok, Zlatnih Ljiljana 24., Gračanica, odlučujući o prijedlogu za otvaranje stečajnog postupka dana 19.11.2021. godine, donio je sljedeće

RJEŠENJE

I-OTVARA SE stečajni postupak nad imovinom dužnika „OAo BH“ d.o.o. za proizvodnju, promet i usluge Klokotnica bb Doboj- Istok, Zlatnih Ljiljana 24., Gračanica, matični broj subjekta 32-01-0002-07, JIB: 4209859090002, broj glavnog računa 132-180-20030424-02 otvoren je kod NLB Banka d.d. Sarajevo.

II-Stečajni postupak se otvara sa danom 10.10.2022. godine u 15,00 sati, kada se rješenje o otvaranju stečajnog postupka ističe na oglasnoj tabli suda. Oglas o otvaranju stečajnog postupka objavit će se u „Službenim novinama F BiH“.

III-Za stečajnog upravnika imenuje se dr. sci. Nedret Kikanović dipl.ecc. iz Tuzle, ul. Aleja Alije Izetbegovića 25. Tuzla.

IV- Nalaže se stečajnom dužniku i trećim licima da stečajnom upravniku predaju u posjed imovinu i dokumentaciju stečajnog dužnika koja je u njihovom posjedu.

V-Pozivaju se povjerioci da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ prijave svoja potraživanja stečajnom sudu dostavom prijave i priloga u dva primjerka u skladu sa odredbama Zakona o stečaju prijavi potraživanja (član 105. Zakona), te prilože dokaz o uplaćenju sudskoj taksi na prijavu potraživanja u iznosu od 1% od vrijednosti potraživanja, s tim da taksa ne može biti manja od 50,00 KM, niti veća od 10.000,00 KM, na žiro račun broj 1321000256000080, vrsta prihoda 722221, primalac Budžet Tuzlanskog kantona.

VI-Pozivaju se povjerioci da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ stečajnog upravnika obavijeste koja prava osiguranja potražuju na predmetima imovine stečajnog dužnika. Potrebno je navesti predmet na kome se potražuje pravo osiguranja, vrstu i razlog nastanka prava osiguranja kao i osigurano potraživanje.

VII-Pozivaju se lica koja imaju obaveze prema stečajnom dužniku da ih bez odlaganja izvrše.

VIII-Otvaranje stečajnog postupka ima se upisati u sudski registar Općinskog suda u Tuzli, zemljišne knjige Općinskog suda u Gračanici, te kod Službe za geodetske i imovinsko-pravne poslove Općine Gračanica.

IX-Skupština povjerenika (ročište za ispitivanje) na kojem će se ispitati prijavljena potraživanja zakazuje se za dan PONEĐELJAK 12.12.2022. godine u 11,00 sati, u zgradi Općinskog suda u Tuzli, ulica ZAVNOBIH-a bb, KANCELARIJA 138/I.

X-Skupština povjerenika (izvještajno ročište) na kome će se na osnovu izvještaja stečajnog upravnika odlučiti o daljem toku stečajnog postupka održat će se u PONEĐELJAK 12.12.2022. godine, na istom mjestu nakon ročišta za ispitivanje prijava potraživanja.

XI-Rješenje o otvaranju stečajnog postupka u cijelosti objavit će se na oglasnoj tabli suda, web-stranici suda – elektronskoj tabli suda, na internet stranici FIA-e, a u Službenim novinama F BiH objavit će se samo izreka rješenja.

O b r a z l o ž e n j e

Dana 27.05.2021 godine, predlagač „OAO BH“ d.o.o. za proizvodnju, promet i usluge Klokotnica bb Doboj- Istok, kao dužnik podnio je prijedlog za otvaranje stečajnog postupka nad imovinom dužnika iz razloga platežne nesposobnosti, temeljem odredbe člana 4 i čl. 6. Zakona o stečaju („Sl.novine F BiH“, br.53/2021).

Nakon razmatranja prijedloga sud je rješenjem od 22.07.2022. godine, pokrenuo prethodni postupak radi utvrđivanja uslova za otvaranje stečajnog postupka i imenovao privremenog stečajnog upravnika temeljem odredbe čl. 60., 61. i 63. Zakona o stečaju.

Privremeni stečajni upravnik u spis suda dostavio je izvještaj o provedenom prethodnom postupku sa nalazom i mišljenjem na okolnosti postojanja razloga za otvaranje stečajnog postupka. Temeljem odredbe čl. 102 stav 1. Zakona o stečaju zakazano je ročište radi ispitivanja uslova za otvaranje stečajnog postupka i rasprave o izvještaju privremenog stečajnog upravnika na koje je pristupio privremeni stečajni upravnik i zakonski zastupnik predlagača.

Iz izvještaja privremenog stečajnog upravnika proizilazi da je društvo dužnika osnovano i registrovano kod općinskog suda u Tuzli rješenjem o registraciji broj: 032-0-Reg-07-001498 od 25.10.2007. godine. Prema podacima koje je pribavio privremeni stečajni upravnik, proizilazi da društvo na dan 04.07.2022. godine na evidenciji nije imalo zaposlenih lica. Iz knjigovodstvene dokumentacije društva privremeni stečajni upravnik je utvrdio da je prema posljednjem godišnjem obračunu za 2021 godinu ostvaren gubitak u poslovanju od 4.272.857,00 KM, a da na osnovu salda dugovanja postoji evidentiran dug prema UIO RC Tuzla u iznosu od 1.605.941,57 KM. Privremeni stečajni upravnik je utvrdio da društvo trenutno ne obavlja registrovanu djelatnost, te da ne raspolaže imovinom i finansijskim sredstvima kojim bi se finansirao nastavak poslovanja. Stoga, prema mišljenju privremenog stečajnog upravnika, proizilazi da je društvo prezaduženo, da je račun dužnika u blokadi duži period i da postoji evidentirana obaveza prema UIO RC Tuzla u

iznosu od 1.605.941,57 KM, zbog čega smatra da su ispunjeni uslovi za otvaranje stečajnog postupka.

Obzirom na utvrđeno stanje u društvu dužnika, procjena je privremenog stečajnog upravnika je da društvo nije sposobno da nastavi poslovanje, za koje društvo je još ranije utvrđen prestanak rada društva. Zaključak privremenog stečajnog upravnika je da postoji stečajni razlog za otvaranje stečajnog postupak predviđen članom 6. stav 2. i članom 102. Zakona o stečaju, te da se iz uplaćenih sredstava za vođenje privremenog stečajnog postupka mogu finansirati i troškovi otvorenog stečajnog postupka, a obzirom na činjenicu da društvo ne posjeduje bilo kakvu imovinu.

Na osnovu izvedenih dokaza tokom postupka utvrđeno je da je prijedlog za pokretanje stečajnog postupka dopušten, zbog nesolventnosti i nelikvidnosti dužnika postoji stečajni razlog, a iz preostalih sredstava uplaćenih na ime pokretanja predhodnog postupka za utvrđivanje uslova za otvaranje stečajnog postupka u iznosu od 5.000,00 KM, finansirat će se troškovi stečajnog postupka.

Sud je temeljem odredbe čl. 102. stav 4. a u vezi sa čl. 6. Zakona o stečaju odlučio kao u izreci rješenja i odlučio o otvaranju stečajnog postupka.

Odluku o imenovanju stečajnog upravnika, sud je donio temeljem odredbe člana 104. stav 2. tačka b. . Zakona o stečaju, a nakon što je utvrdio da isti ispunjava uslove utvrđene odredbom člana 71. Zakona o stečaju.

Sud je, odluku o određivanju ročišta za ispitivanje prijavljenih potraživanja i izvještajnog ročišta, donio temeljem člana 106 Zakona o stečaju.

Odluku o objavljivanju otvaranja stečajnog postupka, sud je donio temeljem člana 105. stav 1. Zakona o stečaju.

Temeljem odredbe člana 105. Zakona o stečaju, sud je uputio odgovarajuće pozive povjericima i dužnicima stečajnog dužnika.

Upis otvaranja stečajnog postupka u javne registre određen je temeljem odredbe člana 108. stav 1. tačka a. Zakona o stečaju.

STEČAJNI SUDIJA,
Faruk Arnaut

POUKA O PRAVNOM LIJEKU:

Protiv ovog rješenja žalbu može uložiti stečajni dužnik.

Žalba se podnosi Kantonalnom sudu u Tuzli, putem ovog suda u tri primjerka u roku od 8 dana po proteku 5 radni dana od dana objave rješenja u Sl. novinama F BiH.

Žalba iz prethodnog stava ne odlaže izvršenje rješenja.